

○夜東西南方有氣如火○已酉御 夕講○諫院啓韓胤昌
事依允○日暈○夜南方有氣如火○庚戌以林百齡為工曹
參判柳世麟為漢城府左尹趙仁奎為右尹權櫟為慶尚道觀
察使南孝義為咸鏡道觀察使洪春卿為世子侍講院輔德柳
辰全為司諫院正言○辛亥 御晝講○傳于政院曰近者宰
臣於經筵啓守令貪虐侵刻生民民之困悴莫甚於此時宜下
諭于八道使之恤民其言當矣前者清白之吏別加褒獎而今
則廢不舉行廉恥之風何以勸勵乎其令諱政府同議抄選以
啓各道守令貪饕成風為觀察使者一年巡行不過一二安能
盡知其所行乎若以文臣間差守令則隣邑之守令必以為是
人也他日若在臺諫侍從之任則必舉已之今日所行庶幾有
所畏戰而不敢肆行矣 成廟朝以金詮為禮安縣監者以是
故也往者李思鈞亦以是意建白予意以為然故以許洽為安
州牧使以宋璠為高原郡守皆出於特命也厥後復以是為未
便者況内外之分固有輕重而朝廷之人六曹之員尚不能充